



SIARAN MEDIA

KEMENTERIAN BELIA DAN SUKAN



KBS : 82 /2025

RAKAN MUDA KINI DI PROGRAM LATIHAN KHIDMAT NEGARA

1. YB Hannah Yeoh, Menteri Belia dan Sukan, hadir menyampaikan perkongsian bertajuk Berfikir di Luar Kotak: Mendepani Cabaran dan Halangan bersempena penganjuran program Rakan Muda Turun PLKN bertempat di Kem Rejimen 515 Askar Wataniah, Kuala Lumpur, hari ini.
2. Program turut diserikan dengan kehadiran YBhg. Dato' Haji Ya'cob Haji Samiran, Ketua Pengarah Jabatan Latihan Khidmat Negara dan Pengarah Jabatan Belia dan Sukan Wilayah Persekutuan Kuala Lumpur, YBrs. Encik Sabran Abd Bahar.
3. Program Rakan Muda Turun PLKN merupakan platform khusus yang memberi peluang kepada 233 orang pelatih Program Latihan Khidmat Negara (PLKN) di Kem Rejimen 515 Askar Wataniah untuk menyampaikan aspirasi, pandangan dan idea berkaitan pembangunan belia dan sukan secara langsung kepada kepimpinan tertinggi Kementerian Belia dan Sukan (KBS).
4. Inisiatif ini selari dengan nilai teras Keyakinan dan Ihsan di bawah kerangka konsep Malaysia MADANI, yang menekankan kepentingan mendengar suara belia, menyantuni keperluan mereka serta memberi ruang untuk menyumbang secara langsung kepada pembangunan negara.
5. Objektif penganjuran Program Rakan Muda Turun PLKN adalah seperti berikut:
 - 5.1. Menyampaikan maklumat terkini mengenai dasar, dan inisiatif Kerajaan khususnya yang berkaitan dengan pembangunan belia dan sukan;

- 5.2. Memberi ruang kepada golongan belia untuk menyuarakan pandangan berkenaan isu-isu pembangunan belia dan sukan; dan
 - 5.3. Menyantuni belia yang sedang menjalani latihan PLKN dalam usaha memperluaskan pelaksanaan Gaya Hidup Rakan Demokrasi.
6. Program ini juga merupakan susulan kepada penganjuran program Rakan Muda Turun Kampus yang telah menjelajah ke lapan (8) Institusi Pendidikan Tinggi Awam/ Swasta di seluruh negara dengan pengisian sampingan Sesi Interaktif Rakan Muda anjuran Jabatan Belia dan Sukan Negara (JBSN).
 7. Untuk sebarang maklumat lanjut berhubung Program Rakan Muda Turun PLKN, sila hubungi JBSN di talian 03-8871 3324 atau e-mel jbsn@kbs.gov.my.

**UNIT KOMUNIKASI KORPORAT
KEMENTERIAN BELIA DAN SUKAN**

15 Oktober 2025

